

Լ Ե Ռ Ն Ա Յ Ի Ն Ղ Ա Ր Ա Բ Ա Ղ .

ԿԱՏԱՐԵԼ ԿՈՒՍԱԿՑՈՒԹՅԱՆ ՈՒ ԿԱՌԱՎՆԱՐՈՒԹՅԱՆ ՈՐՈՇՈՒՄՆԵՐԸ

ՍՏԵՓԱՆԱԿԵՐՏ, 24 օգոստոսի (ՏԱՍՍ-ի թղթ.): Լեռնային Ղարաբաղի ժողովրդական դեպուտատների մարզային սովետի նստաշրջանը այսօր որոշում ընդունեց «1988—1995 թվականներին Լեռնային Ղարաբաղի Ինքնավար Մարզի սոցիալ-տնտեսական զարգացումն արագացնելու միջոցառումների մասին» ՍՄԿԿ Կենտկոմի և ՍՍՀՄ Մինիստրների խորհրդի որոշման իրականացման կոնկրետ ծրագիր մշակելու մասին: Մարզային սովետի գործկոմին հանձնարարված է ծրագիրը կազմելիս անցկացնել որոշման միջոցառումների լայն քննարկում և հաշվի առնել Լեռնային Ղարաբաղի աշխատավորական կոլեկտիվների արտահայտած դիտողություններն ու առաջարկությունները:

Ինչպես նշված է ժողովրդական դեպուտատների մարզային սովետի նստաշրջանի որոշման մեջ, Լեռնային Ղարաբաղի վերաբերյալ ՍՄԿԿ Կենտկոմի ու ՍՍՀՄ Մինիստրների խորհրդի որոշումն իրականացնելու աշխատանքը միութենական և հանրապետական մինիստրությունների ու գերատեսչությունների և մարզային մարմինների կողմից առայժմ անբավարար է կատարվում:

ԼՂԻՄ-ի ժողովրդական դեպուտատների սովետը հավանություն տվեց Հայկական ՍՍՀ-ի ձեռնարկությունների հետ տնտեսական կապեր հաստատելու, հոգևոր ու մշակութային կյանքի հարցերում ավելի սերտորեն համագործակցելու մարզի աշխատավորական կոլեկտիվների նախաձեռնությանը:

Լեռնային Ղարաբաղի ժողովրդական դեպուտատների սովետը դիմեց ՍՍՀՄ Գերագույն սովետի Ազգությունների սովետի հանձ-

նաժողովին, խնդրելով առաջարկություններ ներկայացնել Լեռնային Ղարաբաղի պրոբլեմը փուլ առ փուլ լուծելու վերաբերյալ:

Նստաշրջանը Ս. Ա. Բաբայանին ընտրեց Ինքնավար Մարզի ժողովրդական դեպուտատների սովետի գործադիր կոմիտեի նախագահ: ՏԱՍՍ-ի թղթակցի հետ կայացած հարցազրույցի ժամանակ նա ասաց, որ Ղարաբաղցիները համաքաղաքային միտինգում այն հետևությանը հանգեցին, որ ՍՍՀՄ Գերագույն սովետի նախագահության որոշումը ընդունելի էլք է ստեղծված կացությունից: Սակայն միեւնույն ժամանակ այսօր նստաշրջանում որոշում ընդունվեց ապագայում դիմել Ազգությունների սովետի հանձնաժողովին, առաջարկելով Լեռնային Ղարաբաղի պրոբլեմին՝ կապված նրա վարչական ենթակայության հետ, վերստին անդրադառնալ, հաշվի առնելով աշխատավորական կոլեկտիվների կարծիքները և այն ցանկությունները, որ արտահայտեցին դեպուտատները:

— Իսկ այսօր մեր թուր գործողությունները նպատակամղված կլինեն մարդկանց համար այնպիսի իրադրության ստեղծմանը, որի պայմաններում նրանք կարողանան նորմալ ապրել ու աշխատել, ընդգծեց Ս. Ա. Բաբայանը:

Նստաշրջանի աշխատանքին մասնակցում էր և ելույթ ունեցավ Լեռնային Ղարաբաղի Ինքնավար Մարզում ՍՄԿԿ Կենտկոմի ու ՍՍՀՄ Գերագույն սովետի նախագահության ներկայացուցիչ Ա. Ի. Վոլսկին:



106-ամյա Նուրար Սիմոնյանը ծոռնուհու հետ (Արմենալրես)